

XVIII ԳԱՐԻ ՀԱՅ ԳՐԱՎՈՐ ԲԱՆԱՍՏԵՂԾՈՒԹՅԱՆ
ՀԻՄՆԱԿԱՆ ԱՌԱՋՆԱՀԱՏԿՈՒԹՅՈՒՆՆԵՐԸ

Ե. Լ. ՆԱԶԱՐՅԱՆ

XVIII դարի հայ մշակութային շարժման կարևոր օղակներից մեկը բանաստեղծությունն է՝ նորոգվող, ծավալվող ժողովրդական երգը. կատարելության հասած աշուղական բանաստեղծությունը և գրավոր — անհատական բնարերգությունը:

Այս երեք ճյուղերը հին ու նոր գրական այլ տեսակների հետ միասին՝ արձակ և չափափառակ, հանելուկ, երկտող և քառատող բանաստեղծություններ, պատմվածք, չրույց, վիպերգություն (պոեմ), ճանապարհորդական հուշագրություններ, թատերատիպ երկեր, տեսական, գրականագիտական աշխատություններ և այլն, կազմում են XIX դարի հայ նոր, դասական գրականության նախապատմությունը:

XVIII դարի գրավոր բանաստեղծությունը միատարր չէ: Դարասկզբից մինչև վերջը, մինչև XIX դարի առաջին տասնամյակները, սկսած Պաղտասար Դպիրից, Պետրոս Ղափանցուց մինչև Հովհան Վանանդեցին, Արսեն Բագրատունին և Հարություն Ալամդարյանը, առաջ է գալիս բանաստեղծների մի սերունդ, որի ֆեաբական ժառանգությունը հայ բանաստեղծության դարավոր շղթայի մի ճուր օղակը, հայության ժամանակի համընդհանուր իրավիճակի գրական արձագանքն է:

Նույն այդ ժամանակամիջոցում հանդես է գալիս բանաստեղծների մի այլ սերունդ, սկսած Տեր Կոմիտաս Փահլավյից մինչև Կարապետ էրզրումեցին, մինչև XIX դարի առաջին տասնամյակների բանաստեղծներ Նդիա Թումանյանը, Գարրիկ Ավետիքյանը, Մանուկ Ջախջախյանը, Արրահամ Աստուրացին և ուրիշները, որոնց բանաստեղծության նյութն ու արվեստը մնում են միջնադարյան կրոնական բարոյագիտության նեղ ոլորտում, և սրոնց մոտ բանաստեղծությունն իսկական առումով չի կառնի որոնել:

XVIII դարի գրավոր բանաստեղծությունը ուղարավ է առաջին խմբի բանաստեղծները լավագույն երգերով, ուստի մեր խոսքը վերաբերում է առաջին սերնդի քնարական ստեղծագործության հիմնական առանձնահատկություններին:

* * *

XVIII դարի հայ գրավոր բանաստեղծությունը, հակառակ ժողովրդական և աշուղական բանաստեղծության, հուրնվում էր գրաբար լեզվով: Սա այն մայր ուղին էր, որ սկիզբ էր առել V դարից և հայ բանաստեղծության աշխարհականացման բուռն էտապում՝ XIII—XVII դդ., նվազել, սեղմվել էր, և ահա, XVIII դարում վերստին աշխուժանում է, վերաշինվում: Ի՞նչ երևույթ է այս: Ինչով է պատճառարանվում այս օրհանգրքը:

Հայտնի է, որ Հայաստանի պարսիկ և թուրք տիրողները XVIII դարում ևս շարունակում էին գործադրել ամեն ջանք՝ մեռցնելու հայության հավատն ու լեզուն: Իժրախտաբար այդ նրանց թայլ առ թայլ հաղողվում էր՝ բո՛լի թե խաղաղ միջոցներով: Որպես այդ դառն իրողության բազմաթիվ արտահայտություններից մեկը դոյանում էին թրքախու և պարսկախոս հայության լեզու-գրվածներ, հանդես էին գալիս թրքախոս հայ աշուղներ, բանաստեղծներ, որպես շարյաջ փոքրագույնը ստեղծվում էր հայատառ թուրքերեն վիթխարի գրականություն: Հայ կյանքը լծապոմ էր ապրում: «Պետք էր հայությանը փրկել վերջնական անկումից և վայրենացումից: Եվ ահա XVIII դ. առաջավոր մարզկանց բոլոր ձգտումները կենտրոնանում էին այն բանի մեջ, որ կենդանացնեն մեռնող հայ կյանքը: Իրս համար երկու ճանապարհ է երկայանում նրանց—վերածնել հին հայ կյանքը, գիւրն ու գրականությունը և ապա օգտվել եվրոպական լուսավորությունից»² (Ենդղծ. մերն է—Շ. Ն.):

¹ Ս. Արևդյան, Հայոց հին գրականության պատմություն, 1946, 2-րդ մաս, էջ 478:

² Նույն տեղում, էջ 438:

Ո՛չ հայատառ թուրքերեն դրականությունը, ո՛չ արաբական, պարսկական, թուրքական բանաստեղծական տեղական բարբառները, որոնք, թեև օտարացած հայության շրջաններում, հայ ժողովրդական մշակույթի, հայության ողու պահպանման հարցում զգալի դեր էին կատարում, չէին կարող առաջ մղել հայ մշակույթի զարգացումը. կանխել նրան սպառնացող վտանգը. Ուստի XVIII դարի գրչի և թրի շարժման գործիչները, ժամանակի հայ հոգևոր և աշխարհիկ բանաստեղծները, վերևում հիշված շարյաց փոքրագույնը համարվող միջոցների հետ մեկտեղ (նաև նրանց անհեռանկարային առաջընթացը չափավորելու նպատակով), կյանքի էին կոչում հին, դասական լեզուն՝ գրաբարը: Դա միակ միջոցն էր այն ժամանակաշրջանի համար: Այլապես, ո՛ր բարբառ կարող էր Խորայել Օրթի և Շահամիրյանների ծրագրային, առաջադեմ գաղափարախոսության սերմերը տարածել անհայրենիք հայության մեջ, Հարկավ, ո՛չ պոլսահայ, ո՛չ չուղայահայ, ո՛չ Արարատյան գավառի, ո՛չ էլ Թիֆլիսի բարբառը, Տվյալ շրջանում, կիլիկյան միջին հայերենի՝ համաժողովրդական գրական լեզվի անհետացման այս էտապում, մեծնող հայ կյանքը վերածնելու, գրչի նոր շարժման միջոցներից մեկն էր գրաբարը: Այդ բանը քաջ գիտակցելով է, որ հայ ժողովրդի քաղաքական բախտով մտահոգված գործիչներն իրենց գեղարվեստական, հրապարակախոսական, պատմական կամ գիտական աշխատությունները շարունակում էին գրել գրաբարով: Պատմական այս նույն պատճառով է, ահա, XVIII դարի գրավոր բանաստեղծության մեջ վերականգնվեցին, աշխուժացան գրաբարը:

Սակայն ո՛չ միայն գրաբարը, այլ դժվարամարս ձևերից աղատված, երբեմն նաև հայ ժողովրդական բարբառների հղկված ու կոկկված տարբեր իր սեղանդուռող պարզ գրաբարն էր դառնում գրավոր, ընտիր ֆեոդերգության լեզուն: Պարզ գրաբարով են գրում իրենց լավագույն երգերը (հարկավ ո՛չ միօրինակ պարզությամբ) բանաստեղծներ Պաղտատար Դպիրը, Հակոբ Նալյանը, Ղազար Ծահկեցին, Պետրոս Ղափանցին, Հակոբ Շահամիրյանը, Սիմեոն Երևանցին, Գրիգոր Օշականցին, Հովհաննես Կարենցին, Թադևոս Զուղայեցին, Հովհաննես Բերիացին, Հակոբ Վարդապետը, Դևոթ Խուրովը, Սահակ Կարենցին և Կոնստանտին XIX դարի առաջին տասնամյակների նշանավոր բանաստեղծներ Հովհ. Վանանցյան, Հ. Ալամդարյանը, Մ. Թադևոսյանը և նույնիսկ Խ. Աբովյանը: Պարզ գրաբար լեզուն XVIII դարի գրավոր բանաստեղծության առաջին առանձնահատկությունն է:

XVIII դարի գրչի պայքարի մարդիկ չէին սահմանափակվում միայն գրաբարով: Դատելով այդ դարի մտավոր գործիչների բազմաթիվ տպագիր և ձեռագիր գրաբար և աշխարհագրորդ լեզվով շարադրված գործերից և լեզվի մասին նրանց տեսական ակնարկներից, կարելի է ասել, որ նրանք փնտրում էին գրավոր լեզուն ժողովրդին մատչելի գործնելու հնարավոր միջոցներ, որ նրանց խորապես մտահոգում էր նաև լեզվի հարցը, հարց, որ այն ժամանակ, բնականաբար, հասունացած չէր: Այդ պատճառով, ահա, այդ գործիչները գրում էին և՛ գրաբար, և՛ աշխարհագրորդ, այսինքն՝ գրում էին «պարզ բանի», «գիրալուր ոճի», ինչպես ասում էն Պ. Դպիրը և Պ. Ղափանցին, գրում էին նաև «աշխարհի բառով»՝ տեղական բարբառներով, ռամկորեն՝ ինչպես գրում են Հ. Նալյանը, Պ. Դպիրը և ուրիշները իրենց բարոյագիտական, պատմական-կրոնական մի շարք աշխատությունները, ինչպես հորինում է իր երգերը հանճարեղ Սայաթ-Նովան:

Հայ գրավոր քնարական բանաստեղծության մեջ, XVIII դարում, գրաբարի հետ միասին, վերստին կենսունակություն են ստանում կրոնա-եկեղեցական նյութը, հավատքի ոգին: Ինչով բացատրել այս երևույթը: Հայ մշակութային կյանքում երկար ճանապարհ անցած կրոնական երգը թվում է թե XVIII դարում արդեն շեղում է XIII—XVII դարերի աշխարհիկ բանաստեղծության վերասլաց գիծը, կոտրում է Կ. Երզնկացուց Ն. Հովնաթանը ներառյալ ստեղծված ժողովրդաշունչ բանաստեղծության թափը: Սակայն այդպես թվում է, երբ այդ հարցը քննում ենք ժամանակի պատմական իրականությունից կտրված, երբ գրավոր գրաբար բանաստեղծությունը հակադրում ենք նույն ժամանակի ժողովրդական-աշուղական բանաստեղծությանը, երբ միևնույն չափանիշով ենք մոտենում գրաբար-կրոնական երգերին առհասարակ և, վերջապես, երբ անտեսում ենք գրաբարագիր վերահիշյալ բանաստեղծների ստեղծագործության զարգացման վերաբերյալ:

XVIII դարի գրաբար բանաստեղծության մեջ կրոնական ոգու աշխուժացումը ունի պատմա-քաղաքական շատ պատճառներ:

Հայտնի է, որ պարսկա-թուրքական բռնակալները XVIII դարում դեռ շարունակում էին հայության նկատմամբ կիրառել հավատափոխության ծանրագույն միջոցներ: Պատմությանը հայտնի են ազգաձուլման դեմ ծառացած հայերի բազմաթիվ անուններ նաև XVIII դարից: Թիշ չէ նման դեպքերի շուրջ հյուսված վկայարանական ստեղծագործությունների թիվը: Ժամանակը չէր մեղ-

մացրել հպատակ քրիստոնյա հայության նկատմամբ մահմեդական մոլեռանդությունը, նետաձուրաբ հպատակների և նվաճողների միջև եղած պայմանագրով XVIII դարում ղեկն ունեւ հաւ կրօնական ուժնը շատ: Բացի այդ, հատկապես արեւմտահայության համար շարունակվող այս ծանր դրությանը զուգակցվում էր նաև կրօնա-դավանական ներքին պայքարը, որ XVIII դարի սկզբներից սուր քնույթ էր ստանում՝ կենտրոն ունենալով Պոլիսը: Այս վիճակից օգտվում էին հայության այլալերոն տերերը՝ սուլթանական Խուրքիան և շահական Պարսկաստանը: Կրօնա-դավանական պայքարը ջլատում էր հայության ներքին միասնությունը, շեղում նրա գործիչների ուշադրությունը հիմնական խնդիրներից: Մի կողմից մահմեդականների հայահալած, քրիստոնէահալած քաղաքականությունը, մյուս կողմից Հոռմից ներթափանցող լատինադավանության վտանգը հայ գործիչներին հրամայաբար թելադրում էին զորացնել լուսավորչական հավատը հայ ժողովրդի մեջ, ուժեղացնել պայքարը երկու ուղղությամբ: Սա էր ժամանակի կրօնա-քաղաքական պայքարի ուղին, և այդ ուղու վրա էին կանգնած XVIII դարի գրական, քաղաքական ու մշակութային կյանքի նշանավոր հայ գործիչները: Նրանց գործունեության հիմքում ընկած էր ժողովրդի և եկեղեցու գոյապայքարի միևնույն հարցը: Հարկավ, նրանցից ամեն մեկն այդ հարցի նկատմամբ ուներ դադափարական ուրույն դիրքորոշում, ուրույն պահանջ:

Հայաստանում ապագա բուրժուական հանրապետություն ստեղծելու երազանքով խանդավառված Շահամիրյանները երբեք չեն նվաղեցնում հավատքի, եկեղեցու դերը՝ հայ երիտասարդության ազատասիրական, հայրենասիրական դաստիարակության գործում: Արմատական սոցատասիրական գաղափարախոսության հետ չերմ հավատասիրությունն ու աստվածասիրությունը Շահամիրյանների քաղաքական ծրագրի գործոն հատկանիշներից մեկն է. դա մի պահանջ էր, որից չէր կարող խուսափել ժամանակի գործիչը: Այսպես է վիճակը նաև XVIII դարի հայ դրավոր, գրաբարալեզու րանաստեղծության առաջավոր սերնդի բոլոր ներկայացուցիչների մոտ: Այս պատճառով ահա Պ. Դպիրից, Պ. Ղափանցուց մինչև Հովհաննես Կարենցին, մինչև XIX դարի առաջին քառորդի րանաստեղծներ Հովհ. Վանանդեցին, Արսեն Բագրատունին, Հարություն Ալամգարյանը, Նույնիսկ Խաչատուր Աբովյանը, գրում էին նաև կրօնական երգեր: Սա XVIII դարի գրավոր րանաստեղծության երկրորդ առանձնահատկությունն է:

Սակայն հայ ժողովրդի ճակատագրով մտահոգված մարդիկ չէին կարող րավարարվել կրօնական նյութով, ինչպես չէին րավարարվում ոսկեդարյան գրաբարով, ուստի, XVIII դարի դրավոր րանաստեղծության նշանավոր դեմքեր Պ. Դպիրի, Պ. Ղափանցու և այլոց ստեղծագործության մեջ (ամեն մեկի մոտ յուրովի, ամեն մեկի մոտ գրական ինչ-ինչ եղանակներով) տեղի է ունենում մի նուրբ ու իմաստալից շրջադարձ, ստեղծագործական անցում մի կողմից՝ կրօնաեկեղեցական վերացական րանաստեղծությունից դեպի՝ ժամանակի ղործնական պահանջներից բխող կրօնական, րանաստեղծությունը, մյուս կողմից՝ անցում ընդհանրապես կրօնական րանաստեղծությունից դեպի աշխարհիկ երգը՝ հասարակական, բաղաբական, ազատասիրական սիրային, բաւոյակերական բովանդակությամբ գրավոր գրաբար րանաստեղծությունը: Բանաստեղծության հիմնական հերոսի՝ մոլեռանդ հավատացյալ մարդու և հասարակության միջև դոյություն ունեցող հակասությունները (մեծ մասամբ հոգու և մարմնի ընդդիմադիր հարաբերությունների տեսքով) աստիճանաբար վերաճում, վերակերպարանավորվում են մտածող, րանական խոհական անհատի և հասարակության միջև գոյություն ունեցող հակասությունների: Ստեղծվում է մի վիճակ, երբ րանաստեղծը րանական-աստված հասկացողությունից թեքվում է դեպի րանական-մարդ հասկացողությունը:

Հարկավ, պատմա-հասարակական, սոստեսական ընդդիմադիր պայմանները՝ ֆեոդալական հեռամենացությունը, ինքնուրույն պետականության րացակայությունը, պարսկա-Պուրքական րրոնականների դաժան կամայականությունները, կրօնա-աստվածաբանական կրթությունն ու դստտիարակությունը կաշկանդում էին իրական-րանական մտածողության ու հումանիզմի մուտքը հայ իրակսություն մեջ: Ուստի արեւմտաեվրոպական և ուս ժողովուրդների համեմատությամբ հայ ժողովրդի մեջ ավելի ուշ և ավելի նվազ արտահայտություն են ստանում դրանք:

Սակայն ժամանակի հասարակական-րաղաքական մտածողության սեպը ճեղքում է նաև XVIII դարի հայ գրավոր գրաբար րանաստեղծության դիրքերը: Այդ կատարվում է, ինականաբար, ոչ մեկ անդամից, այլ դանդաղ, և րանաստեղծական ոչ շատ ցայտուն ու հստակ, ազդաիւն ձևերի ու պատկերների մեջ: Բայց կատարվում է: Ստեղծվում են անհամար կրօնական երգեր, որոնցում հավատացյալի անձատանջ հեծեծանքների, մեղքի և զղջման մրմունջների մեջ իսկ, ինչպես միշտ, ցոլանում է իրական կյանքի այս կամ այն կողմը:

Լինիմ, զոր ինչ ոչն կամիմ,
Թեղևու կամիմ, զոր ոչ լինիմ, ամա՛ն.
Անա այս է, օր կողկողիմ.
Այո՛, այո՛, այո՛, եղէ եղկելի, եղկելի:

Քանականն ընտրել ո՛չ ունի,
Միջինն ի վեր նայիլ չունի. աւա՛ղ,
Նտինն՝ ըզնիրհակն ընդունի
Այո՛, այո՛, այո՛, եղէ եղկելի, եղկելի³:

Մարդը այն չէ, ինչ ուզում է լինել, մարդը այն է, ինչ չի ուզում լինել: Կրոնական-հասարակական հարաբերությունների մեջ չկա միաբանություն:

Դարձյալ հավատքի նեղ դիրքերից, բայց հաճախ առանց հավատացյալների երկյուղածության, կրոնական բանաստեղծության մեջ (երբեմն հոգու և մարմնի ընդդիմադիր պայքարի տեսքով, երբեմն առանց այդ պաճուճանքի) ընթացողում է ժամանակի այդ ստաւաց մեծատունների, «աստուածարեալք հռչակված զորագլուխներին» հասարակականորեն վնասակար դերը:

Ձօցազրկուսց սոցունց հանախ աստուածաբանալն հրոչակեցին.
Մովու, բանտի ե վիշապի. յառաք արկեալ նմանեցուցին,
Ուր ի կուրեանց միշտ երկնչիմք, զիա՛րդ կարեմք դէմ կալ սոցին,
Նքէ ոչ իսկ ի յաստուծոյ ձեղ օգնութիւնք յարաբերին:

Ուրախ զրաւսուլ հաւ մի բրտեալ ունի ըզմեզ ի բրոխս իւր.
Փարի ըզմեօք, ո՛չ յօգուտ մեր, այլ առ ի բէն, և ի կեր իւր.
Խրալսուսանօլ զայն ուր տօնէ, յորժամ արկցէ զոք ի սուր իւր,
Ձօրս ուսացեալ շեղակուտէ, ուր վափաղին բաղցր եղբերին⁴:

Մենք, որ այդպես վախենում ենք զորեղների «կորյուններից», որոնք իրենց բոլոր սեղմածունեն մեր նման թույլերին, տկարներին, — դժգոհում է բանաստեղծը, — ապա ինչպե՞ս պիտի ընդդեմ գնանք նրանց մեծամեծներին:

«Փարթամութիւնը բիրտ որոգայթ է մեծաշարիչ» շնախնեաց ճշմարտութիւնը կրկնելով, բանաստեղծը, սակայն, իր «յայսմիկ ամբարիշտ մեծի դարի» անարդարությունները վերացնելու համար սկզբում մի ելք, մի ճանապարհ է տեսնում: Նա գիտում է երկնային թագավորին, «վարդ» աստծուն, բացում նրա առջև իր խոցված սիրտը, մեկիկ-մեկիկ պատմում իր ցավերը և մերթ հուսախար, մերթ հույսերով լեցուն՝ սպասում պատասխանի:

Անա, դալով եկեալ երաս. վա՛րդ, վա՛րդ.
Ցաւն յամենուտ հոսեալ դաս-դաս, վա՛րդ-վա՛րդ.
Աղաղակաւ, արդ, տաղատիմ, վա՛րդ, վա՛րդ.
Ողորմելով յօգնութիւն հաս. վա՛րդ, վա՛րդ⁵:

Սակայն այս այն սահմանը չէ, որի վրա կանգնում են XVIII դարի վերոհիշյալ բանաստեղծները, այն չէ, ինչ կարող էր բավարարել ժողովրդի ճակատագրով մտահոգված հավատացյալ բանաստեղծին: Մարդու գործած անարդարությունների, մեղքերի համար միայն աստծուն չպետք է դիմել, այլ նաև իրեն՝ մարդուն, և միայն աստծուց չէ, որ պետք է օգնություն, ազատություն սպասել, այլև՝ նաև մարդուց: Ահա ներքին այն նոր ձայնը, որ լսվում է XVIII դ. վերահիշյալ բանաստեղծների լավագույն երգերից: Հասարակական անարդարությունները տեսնուլ, սակայն հավատամուլ, աշխարհամերժ անհատի կողմից բուժանաստեղծության մեջ հանգես է զալիս ազատամիտ, ընդվզող անհատը, բուժական, խոհական մարդը:

Ուրախ եմ կացեալ ի կենցաղս.
Հողք գիս երբէք ո՛չ քողին.
Ո՛չ գիտեմ իւրեանց ախորժակ.
Առ իս երբէք զի՛նչ զրտին:

Ձի հանասլազ տուտմութեան վիշու.
Յորդորելով զմիմեանս.
Գան, հասանեն առ տառապելեալս.
Եւ զինն շուրջ բոլորին:

3 Պ աղ տ ա ս ա ռ ' Ի պ ի ռ, Տաղիկներ սիրո և կարօտ:սնաց. Երևան, 1959, էջ 144:

4 Պ. Ղ ա վ ա ն ց ի, Գրքոյկ որ կ'ի բրգարան. Կ. Պոլիս, 1772, էջ 125:

5 Նույն տեղում, էջ 29:

6 Պ. Դ պ ի ռ, Տաղիկներ, էջ 132:

Բանաստեղծը երազում է տեսնել մարդուն հողեկան և մարմնական պահանջմունքների ներ-
դաշնակության մեջ և այդ դիրքերից է թնեղատում թուկ բանիւ հղրարցս, պանստոյգ ընկերացա
բարթերը.

Ձի՞ն, է ալլ մեծուրյուն համեմատ սոմին,
Լրբու յև առ հագի բաղզատի մաւմրն,
Մինչ գրտի եղկելիս զսլսսլիսոյն լւզմին,
Յայնժամ ասեմ՝ այժմիկ լաւ ձեռացով անձն իմ7,

Հոգու և մարմնի ներդաշնակության պահանջը XVIII դարի հայ գրավոր թնարերգության առա-
ջավոր մասի մեջ հանդում է մարդու բարոյական կերպարի կատարելության պահանջին:

Գրարար գրավոր բանաստեղծությունը հակվելով հեպի իրական կյանքը՝ նկատում է նրա
մեջ ծնվող նոր հակասություններ, հասարակական նոր հակամարտություններ: Ծնվում են երգեր,
որոնք զգացնել են տալիս գալիք առևտրա-բուրժուական հարաբերությունների շորշոփները, ոսկու
և դրամի ուժը, մարդկանց միջև տնտեսական, նյութական հիմքի վրա աճող թշնամանքը.

Մենացիր անձն իմ խղճալի,
Ի բազմութեանց լեալ ի բաց,
Յուրմէ՞ յուսուս ըզբարութիւն,
Քաւիսլաշուօն չըմընաց:

Իսպառ ըաւձնալ է իւրաւունքս,
Ընդ նորին սուտ տաւաձնալ,
Առ մեծամեծս, առ ի ստուկըս՝
Ըշմաւառութիւն չըմընաց:

Ամենայն ոք ջանաց պատրելի,
Օձակուն բաւս ունելով,
Վասն այն ի սիրտս, և ի լեզուս՝
Ստուգութիւն չըմընաց:

Համայն վաճառ կա իւրդամաձք,
Չափ մեծ և փոք խաթարված,
Մինչ ի կըշտուղրս և ի կշիռս,
Արդարութիւն չըմընաց:

Վաճառականք են ձեռնաուրք,
Եւ զսուկոյն դիտացեալ,
Որ ի վաճառքս դիւարանոց,
Անջուր զինի չըմնաց8:

Կյանքի բուրբ կողմերում աճող անարդարության փշերը խոցում են բանաստեղծի սիրտը
այնպես, որ նրան թվում է թե ահա եկել է աշխարհի վերջը և տակնուվրա է լինելու ամեն ինչ.

Ո՞ւր իցես նեռ, Ե՛կ, Երեւ՛ն,
Ձի վախճանն է աշխարհի.
Քէ հաբցանես զայստեան քո՝
Գուշակ, նըշմար չըմընաց9:

Ուստի՞ ծնաւ. ով բոճաւուր,
Որ Բեզ նրմա ոչ գոյ երկրի,
Որ քէ չըտաս դու ձեռն ումնք,
Ո՛չ գօրանա, և ոչ բերկրի...10:

Դրամը հզոր ուժ է, նա խորացնում է մարդկանց միջև եղած հակասությունները: Դրամը
աղքատացնում և հարստացնում է մարդկանց, դրամը շարիր և բարիք է ծնում, դրամը մեղոցնում
է մարդու հավատն ու խիղճը, դրամը «փափագելի բռնաւոր» է, — դժգոհում է Պ. Դսիլը:

* * *

Հասարակական, համընդհանուր նոր երևույթները գրավոր գրարար բանաստեղծության նյութ
գաղնալով, նրան տալիս են բանականության և խոհականության շեշտ: Դա XVIII դարի գեղարու-
թանաստեղծության երեւող բնորոշ առանձնահատկությունն է:

Նախորդ դարերում ճայ ահատական բնաբական բանաստեղծության մեջ, ամբողջությամբ
վերցրած, հայ ժողովրդի բաղադական ազատասիրության հույզը ուժեղացան կշիռ չի ունեցել:
XVIII դարը, որպես հայ ժողովրդի «թրի և դրչի» շարժումների նոր շրջան, ծնում է նաև ազա-

7 Նույն տեղում, էջ 131:

8 Մատենադարան, ձեռագիր № 9939, թերթ 2ա—ձա:

9 Մատենադարան, ձեռագիր № 9939, թերթ 4ա: Այս բանաստեղծության վրա մեր ուշա-
դրությունն է հրավիրել պրոֆ. Լ. Ս. Խաչիկյանը, որի համար խորապես շնորհակալ ենք:

10 Պ. Դսիլ, Տաղիկներ, էջ 131:

տախտհ թնարական բանաստեղծության բազմաթիվ նմուշներ: Այդ բնույթի երգերը նույն ժամանակներում ծնվող պատմա-կրոնական, պատմա-ավանդական արձակ և չափածո ողբերի հետ միասին ներկայանում են իրեն ժամանակի հայ հասարակական մտքի տարբեր հոսանքների պայմանի գրական արձագանքներ: Այդպիսի արձագանքների մեծ հանդիպում ենք XVIII դարի թե՛ կրոնական և թե՛ աշխարհիկ մի շարք բանաստեղծների մոտ՝ Պաղտատար Դպիրի, Պետրոս Ղափանցու, Ղազար Ճահկեցու, Սիմեոն Նրևանցու, Գրիգոր Օշականցու, Հովհաննես Կարենցու, Հակոբ Շահամիրյանի, Հովհաննես Բերիւցու, Բաղևոս Ջուղայեցու, Հակոբ Վարդապետի (անվիրակ հեղկաց), Գևորգ Խուրովի, Սերովբե Պատկանյանի և այլոց երգերում:

Հարկավ, ժամանակի հայության կրոնա-քաղաքական կյանքը, ազատասիրական ձգտումները այդ բանաստեղծներից յուրաքանչյուրի մոտ դրսևորվում են տարբեր չափերով, գաղափարական տարբեր դիրքերից, տարբեր ակնկալությամբ, ինչպես նաև գեղարվեստական տարբեր եղանակների և ձևերի մեջ և տարբեր հաջողությամբ:

Այստեղ էլ նկատվում է նույն ուղղությունը. սկզբում ազատասիրությունը արտահայտվում է կրոնական երգերում՝ հոգու և մարմնի ընդդիմադիր պայքարի տեսքով, հավատացյալի մեղքի և զղջման տրտունջներով, անորոշ և անհաստատ ճանապարհներում դեգերող կրոնավորի ողբով ու լացով:

Ահի՛ աստուած հաւցրն մերոց,

Ու ապաւնդ ես նեղելոց,

Հաս օգնութիւն ծառայից քոց,

Անօգնական սղգիս հայոց¹¹:

Ա՛րգ, առ քեզ գոչեմք, ո՛վ հայրւյ գրքսօծ,

Հայցեալի տեառնէ մեզ ողորմութիւն:

Նեղեալ, տառապեալ տոհմիս իւրդնսլուցն,

Տալով զերելոցն զերազարծութիւն,

Ըստ ալեքսանաց սուրբ մարգարէին,

Ի մեր հայրենիս անգրէն ժողովիլ¹²,

Տա՛վատանջ աղերսանքին հաջորդում են հավատացյալի ավելի քան վճռական պահանջն ու նույնիսկ բողոքը՝ դարձյալ առ աստված:

Ձառ ի հիմանց քայքայեցեալս արժանացս նոր նորոգման,

Խորշակահաւ ծառաւելոյս առ իաղացո չուր ոռոգման,

Ըզմեղացուցեալս անքիւ քասից մի՛ պատմեսցես ի յաիտեան,

Ձու հաւանիմ և դաւանիմ՝ նոքօ՛ւ արա զիս տոհմական:

Ի զալքստեան քարեկամիս, եզից սեղան զործոց փոխան,

Այս խրթանիկ ինձ զարբուցման և իտու քրնոյ մեափեցման,

Առիք լիցի յառաջացման առ զուր սիրոյդ վրաստեացման,

Յախորութեանցս փախուցման և հայրենւոյն յաւ տաքփացման¹³:

XVIII դարում հնուց ի վեր երգվող «Կոռնկ, սաստի՛ կու գա», ծառայեմ ձայնիդ» հայրենասիրական երգի ղողանջներին (այդ երգը առաջին անգամ տպագրում է Պ. Դպիրը) միահյուսվում են գրավոր գրաբար ազատատախտհ նոր երգերի ղողանջներ (ե՛ր նրնջմանէդ արթայական «Արի աստուած հարցն մերոց», «Ի սուղ, ի լաց արդ մըտիս», «Լեռաւոտեան քաղցրը և անոյշ հովերն», «Փութա առ մեղ նաղշուն կաթաւ» և մի քանի տասնյակի հասնող հայրենասիրական այլ երգեր):

Պ. Դպիրի «Ի նրնջմանէդ» հանրահայտ բանաստեղծությունը, որ երգվում է այսօր էլ և ուրիշ եղանակով է երգվում նաև Սայաթ-Նովայի «Դու ինչն զլիւն»-ը, արտահայտում է հայ ժողովրդի ազատասիրական զգացմունքները:

11 Ու ի մեռն Նրևանցի, Տաղարան փոքրիկ, էջ 46:

12 Պ. Դպիր, Տաղարան փոքրիկ, Պոլիս, 1768 թ., էջ 22:

13 Պ. Ղափանցի, Նրգարան, էջ 156:

Ի նրեմանկ արհայական,
 ԶԱՐԹԻՐ, ՆԱԶԵԼԻԳ ԻՄ, ԶԱՐԹԻՐ,
 Իհաս նրոյն արեգական,
 ԶԱՐԹԻՐ, ՆԱԶԵԼԻԳ ԻՄ, ԶԱՐԹԻՐ...:

ՏԱՊ ԵՎ ԽՈՐԵԱԿ ԺԱՄԱՆԵՑԻՆ,
 Զրեբիկ զեղոյդ այբել կամին,
 Քանդի Լանց գիշերն մրրին,
 ԶԱՐԹԻՐ, ՆԱԶԵԼԻԳ ԻՄ, ԶԱՐԹԻՐ 14:

Ողբ՝ հայկական դահի, պետականության անհետացման համար, գովք և անձկայի կարոտ նազելի հայրենիքի, ուսկում՝ նրան սպառնացող վտանգի առաջ, քնքշագին թախանձանք՝ նրան տեական քնից, անշարժությունից սթափեցնելու համար: Ահա թե ինչ զրացմունքներ է ներփակում Պ. Դպիրի այս բանաստեղծությունը:

ՏԱՊ ԵՎ ԽՈՐԵԱԿ ԵՂԵՆ ԱՐԴԵՆ ՄԱՀԱՄՈՍ,—

պատասխանում է Պ. Ղափանցին իր ավագ գրչակցին: Ղափանցին իր ազատասիրական բանաստեղծություններում մտածված ձևով օգտագործում է Դպիրի վերոհիշյալ երգից առանձին տողեր ու մտքեր և կողմնորոշում ընթերցողին: Ըրոք, Պ. Դպիրի կրոնա-հայրենասիրական բանաստեղծությունների և Պ. Ղափանցու հայրենիքի և բնության համապատասխան երգերի հոնի վրա է լիապես հասկանալի գառնում «Ի նրեմանկ» սրանչելի բանաստեղծության հայրենասիրական խորհուրդը:

Ստ. Օրբելյանի «Ողբ ի դիմաց մայր կաթողիկէի» պոեմի գաղափարները XVIII դարում և XIX-ի առաջին տասնամյակներում վերաթարծվում են նոր թափով: Սկսած Պ. Դպիրից, Պ. Ղափանցուց, ներառյալ Խ. Արուսեանը, գրվում են բանաստեղծություններ, որոնցում էջմիաձինը շրջվաւում է իրրե հայության ինքնուրույն պետականության խորհրդանիշ, իրրե հավատացյալ հայության համազգային կենտրոն:

Նույն XVIII դարում, հատկապես վերջին տասնամյակներում, երևան են գալիս նաև այնպիսի երգեր, որոնցում հայ ժողովրդի քաղաքական ազատասիրությունը որոշակիորեն ուսական կողմնորոշում է ստանում: Բանաստեղծության մեջ ներթափանցում են ժամանակի ավելի առաջադեմ քաղաքական հոսանքների գաղափարախոսության սերմերը (Հակոբ Շահամիրյան, Թադեոս Ջուզայեցի, Գևորգ Խուրով, Սերոբբե Պատկանյան և այլք):

Սակայն, XVIII դարի հայ կրոնա-քաղաքական, ազատասիրական-քնարական բանաստեղծությունը մի ամբողջական նկարագիր է ստանում Պ. Ղափանցու գրչի տակ: Հիմնականում կրոնա-հայրենասիրական բանաստեղծությունների կողքին նա ստեղծում է նաև ազատագրական գաղափարախոսությամբ ներթափանց լեցուն, բարձր ու գեղեցիկ արվեստով քնարական բանաստեղծությունների մի ամբողջ շարք:

Անսած շրջանի հայ գրավոր քնարերգության մեջ չկա մի երգիչ, որ այնպես բարձր արվեստով ու խորը մարմնավորի հայրենիքի ազատության, կարոտի և սիրո զգացմունքները, ինչպես այդ անում է Պ. Ղափանցին իր հայրենիքի և բնության երգերում: Սիրո և կարոտի միախառն զգացմունքները բանաստեղծը հաճախ արտահայտում է ողբով և լացով: Ողբը հայկական քնարի գործող հնչյուններից է և ուղեկցել է նրան ի սկզբանե: Հայ քնարերգության մեջ ողբով արտացոլվիցին հայության կրոնա-ծիսական, կրոնա-քաղաքական ու հասարակական կյանքի բազմազան կողմերը: Պ. Ղափանցու Պարեկացիական, խոհական ողբն իր մեջ ունի բանականության ու հույզի մի նոր շեշտ. բանաստեղծը քնարական ներքին շնչով է արտահայտում հայության ազատագրական իդեալը. «լալեաց ձայնիւ», «արտասուագետ, լացահեղեղ հառաչմամբ», «բարձրական, մեծահեծեծ հառաչմամբ» նա լեծում է իր կուրծքը, այլովում ազատության ու հայրենիքի սիրուց ... Սա է XVIII դարի քնարական բանաստեղծության, ողբի նոր ձայնը:

«Ողբակենցաղ և լալակոծ» բանաստեղծի դպի հայրենի երկիրն ունեցած սիրո և կարոտի զգացմունքները թրծվում են հույսի հնոցում: Ողբ ու լաց, բայց ոչ նահանջ, ոչ մահ, ոչ գիշում... այլ՝ ձգտումներ, սպասումներ, մաքառում, երազանք, հավատ, լավատեսություն: Հայրենիքը լերկրություն պիտի բերի երգչին՝

Ե՛կ. բերկրեցու, գայս Բո գերիս ցաւալի¹⁵:

Նա պիտի ապաքինի բանաստեղծի հոգու բոլոր վերքերը՝

Ասլաֆիկիչ հուգոյս վերացն ամենայն¹⁶,

14 Պ. Դպիր, Տաղարան..., էջ 98:

15 Պ. Ղափանցի, Երգարան, էջ 49:

16 Նույն տեղում, էջ 51:

Նա պիտի փարատի երգչի սրտի ցավերը՝

Մէկիկ-մէկիկ սրտիս զաւերն փառատեալ¹⁷։

Նա պիտի մահից կյանքի կոշի երգչին, դուրս բերի նրան հնության խավարից, լուսավորի գերի բանաստեղծի սիրտը՝

Լուսաւորեա զայս իմ սրտիկս մթացեալ¹⁸։

Պ. Ղափանցու այդ երգերը հայ և հույն ժողովուրդների XVIII դարում մղած ազատագրական պայքարի քնարական առաջին արձագանքներն են (նաև իրենց մեղեդիներով)։

Պ. Ղափանցու քնարի խրախույսը հավատքի և հայրենիքի համատեղ սերն է, «իւր սիրեկան աղղի», ժողովրդի ազատութիւնը. նա երկրպագում է «ազգն իւր սիրելի», «ազգն իւր պատուելի», նա հավերժացնում է իւր հայրենիքը, նա տենչում է նրան. խոնարհվում է նրա առաջ, տառապում է նրա ցավերով. նա ասում է նրա թշնամիներին, Թշնամին բանաստեղծի այդ երգերում կերպարանավորվում է իբրև «տապ և խորշակ», իբրև «որդք և ուտիչք»՝ «փոքունք, մանրուք և մեծամեծ աւագաւ», իբրև «բանտ և վիշապ», իբրև «ագոաւ», «վայրագ հողմք», իբրև «փշոտ անտառք»։

XVIII դարի կրոնա-հայրենասիրական, ազատասիրական բանաստեղծությունը ներծնված է խոհական սիրո և ատելության հակադիր զգացմունքներով։

Չարքի՛ր, նազելիդ իմ, զարքի՛ր,

Թախանձում է Պ. Դպիրը իւր հայրենիքին՝ այնպիսի քնքշագին սիրով, ինչպես Սայաթ-Նովան իւր գյոգալին, «Զարթիր, փութով» — Թախանձում է Պ. Ղափանցին իւր ժողովրդին նույնքան քնքշագին սիրով, որքան Սայաթ-Նովան իւր յարին։

Հոգւոյ իմոյ զանձ անսւլառ և բիւր բարի,
 Զարքի՛ր փութով, անկըն մատո, ի լուր արի,
 Տես, թէ զիս՝ զդ, ցուրտն երեւազդ ի բաց վարյի,
 Պէջ ւնճարի, միշտ շարշարի ի դար-դարի¹⁹։

Ազատասիրությունն ու հայրենասիրությունը և ատելությունը բշնամիների նկատմամբ դարի զրավոր զրարար բանաստեղծության շուրջը առանձնահատկությունն է։

Պ. Դպիրը, Պ. Ղափանցին, Ս. Երկանցին, Գր. Օշականցին, Հովհ. Կարնեցին, Հովհ. Բերիացին, Գ. Խուրովը, Հ. Շահամիրյանը, Թ. Զուղայեցին, Ս. Պատկանյանը և ուրիշներ իրենց կրոնա-քաղաքական և հայրենասիրական, ազատախոհ երգերով ստեղծում են XIX դարի ճայ փառափայլուն ֆեարերգության ճախապատմությունը. սկզբնավորում են անցման շրջանի ազգային-ազատասիրական բանաստեղծության ուղին։

Այդ ուղիով առաջ են ընթանում XIX դարի առաջին տասնամյակների նշանավոր բանաստեղծները՝ Հովհ. Վանանցեցին, Արսեն Բաղրատունին և այնուհետև Հ. Ալամդարյանը, Մեսրոպ Թաղիադյանը, Խաչատուր Արովյանը և ուրիշները։

XVIII դարի դրարարագիր բանաստեղծության մեջ կրոնա-հայրենասիրական, ազատասիրական, հասարակական և սոցիալական, բարոյա-կրթական և այլ բնույթի երգերի հետ միասին առանձին որակ էն կազմում նաև սիրո երգերը։

Պ. Դպիրի և նրան հետևողների (Հովհ. Կարնեցի, Գր. Օշականցի, Գ. Խուրով և այլք) սիրո երգերը ընդհանուր տրամադրությամբ տարբերվում են և՛ նախորդ դարերի երգիչների սիրո երգերից. և՛ աշուղական սիրային բանաստեղծություններից։ Պ. Դպիրի սերը Հ. Թլկուրանցու և Գր. Աղթամարցու սերը չէ, որը չերմ է ու կենսալից, սակայն սոսկ նկարագրական է, արտաքին, քաղցրության և ջերմության մեջ միակողմանի... Պ. Դպիրի սերը ոչ էլ նաղաշ Հովնաթանի սերն է, որից հորդում են կիրքն ու վայելքը. նրա սերը գուսպ է, շափավոր, ավելի վշտաթաթախ, ավելի խոհական, իմացական, ավելի անբավական ու ավելի դժվարահաս։ Պ. Դպիրի սիրո երգերի հերոսը այն անհատն է, որի սիրող սիրտը խոցված է ո՛չ միայն անպատասխան մնացած կամ չը-

¹⁷ Նույն տեղում, էջ 52։

¹⁸ Նույն տեղում, էջ 50։

¹⁹ Նույն տեղում, էջ 88։

զտած սիրուց. հասարակական վիշտն ու ղժգոհությունն է ներծծված նրա սիրո մեջ, ինչպես է հանճարեղ Սայաթ-Նովայի մոտ...:

Այս բոցոյս քէ ծովեր կայեն, չրգիտէ իսկի մարիւ,
Այլ հանապազ նոր ի նորոյ բսկրսանի ի վառիւ,
Ձի ինճն ասլ տեղ, հոգին այլ տեղ, ո՞վ կարէ կալ զաղարիլ...»²⁰:

Քիչ է բերկրանքը, շատ են տառապանքները, շատ են սպասումներն ու մաքառումները: Այս-տեղ առկա է բանական, խոհական մարդու հուզաշխարհի ընդլզում, փոթորիկ՝ նվիրական սիրո համար: Դա XVIII դարի գրավոր գրաբարալեզու բանաստեղծության հինգերորդ բնորոշ առանձնահատկությունն է: Այդ առանձնահատկությամբ Պ. Դպիրի սիրո երգերը կամուրջ են ստեղծում ղեպի Սայաթ-Նովայի անզուգական քնարը...

Հերիք ողբաս, գոչես, լաս և հառաչես,
Եւ բցցարս սորտի իմոյ նորոգես,
Գիտեմ, զի ինձ նրման կարօտով լի ես,
Հրեա՛, երգեակ, լռեսու, սիրտն իմ խոցեալ է,
Սի՛ր լար, անբախտ, մի՛ր լար, աչքն իմ լրցեալ է²¹:

Ուստի՞, կու՛րաս, զարիւր բրլբույ,
Դու մի՛ լաց լի, յիս իմ լալու,
Դու վառդ պրտոն, յիս զոգալին—
Դու մի՛ լաց լի, յիս իմ լալու²²:

Սայաթ-Նովայի քնարը ընդդիմադիր չէ XVIII դարի գրաբար գրավոր բանաստեղծությանը: Սայաթ-Նովան համեմատելի է XVIII դարի գրավոր գրաբար բանաստեղծությանը՝ ղեպի կյանքն ունեցած անհուն սիրով և ղեպի նույն կյանքն ունեցած անհուն ղժգոհությամբ, ինչպես նաև քնարական արվեստի մի շարք հատկանիշներով (տաղաչափություն, հանգավորում և այլն):

Խոհական, իմացական, ղուսպ, նվիրական ու քախժոտ սիրո երգը XVIII դարի գրաբար բանաստեղծության հինգերորդ առանձնահատկությունն է:

Ի տարբերություն աշուղական, ժողովրդական «խառնալեզու» բանաստեղծության, նրա թեթեւաշունչ ոճի, անպաճույճ, կենսալից, հաճախ պարզունակ պատկերների, այդ դարի գրավոր առաջավոր բանաստեղծությունը ավելի վերամբարձ է, հոնտորական, հանդիսավոր, գեղեցիկ, զարդարուն.

Օր ահեղ, օր ահեղ, օր ահեղ,
Յորում արեզակն և լուսինըն խաւաբեսցին,
Եւ գօրութիւնք երկնից համայն շաւմեսցիս²³:

Ձա՛յն մի յերկնից, ձա՛յն մի յերկրէ ի պարտիգաց,
Ձա՛յն ի լեւանց, ձա՛յն ի յայգեաց և ի զաշտաց,
Համախառնեալ գոչեն քոչունճն բիւրք հագարուց,
Աւի՛րք եղբարք, ելցուք ի դաշտ բգրօսանաց²⁴:

Խոհական, զգացմունքային և վսեմ ու զեղեցիկ, գարդաւուն, հոնտորական ոճը XVIII դարի գրավոր գրաբար բանաստեղծություն վեցերորդ առանձնահատկությունն է:

Սակայն, ինչպես նկատեցինք արդեն, XVIII դարի գրաբար գրավոր բանաստեղծության զարգացման ուղին ընդդիմադիր չէ ժողովրդական և աշուղական բանաստեղծության զարգացման ուղուն: Եվ այդ հասկանալի է: Գրաբար գրավոր բանաստեղծության ներկայացուցիչները չէին կարող խուսափել իրենց ժամանակի աշուղական և ժողովրդական առաջավոր բանաստեղծության ազդեցությունից, ուստի նրանք առատորեն օգտվում էին այդ արվեստի ակունքներից: Գրավոր

20 Պ. Դպիր, Տաղիկներ, էջ 65:

21 Նույն տեղում, էջ 119:

22 Սայաթ-Նովա, Նրեան, 1963, էջ 19:

23 Ա. Զոպանյան, Հայ էջեր, Փարիզ, 1912, էջ 95:

24 Պ. 'Լալիանցի, Երգարան, էջ 59:

գրաբար առաջավոր բանաստեղծությունը XVIII դարում կրում է իր վրա ե՛ր հայ հին գրավոր բանաստեղծության, և՛ հայ ժողովրդական ու աշուղական բանաստեղծության կնիքը: Գրավոր և ժողովրդական, աշուղական բանաստեղծության արվեստի առանձին հատկանիշների միասնական արտահայտությունը XVIII դարի գրաբար բանաստեղծության յոթերորդ առանձնահատկությունն է:

Սակայն կա մի նրբություն: Հայ գրաբար բանաստեղծությունը ամբողջությամբ ավելի համեմատելի է հունա-հռոմեական, արևմտաեվրոպական բանաստեղծությանը, իսկ հայ աշուղական բանաստեղծությունը ավելի համեմատելի է արևելքի՝ արաբական և պարսկական-թուրքական բանաստեղծությանը:

Ն. Բրյուսովը խորաթափանցորեն նկատում է միջնադարյան հայ երգի արևելյան և արևմտյան հատկությունները, նրա «արևելյան երփներանգ դույնների» և «արևմուտքի կուռ ու զուսպ հատկության» միասնական արտահայտությունը: «Հայ բանաստեղծությունը,— գրում է նա,— արևելյան ձևով գունագեղ, արևմտյան ձևով իմաստուն. ճանաչում է կսկիծ առանց հուսահատության, կիրք՝ առանց մոլագարության, հիացմունք՝ զերծ անզսպությունից»:

Բրյուսովի նշած առանձնահատկությունը ընդհանուր է հայ բանաստեղծության համար: Սակայն երբ ի նկատի ենք ունենում հատկապես XIII դարից առաջ՝ V—XII դարերի և XVII դարից հետո՝ XVIII—XIX դարերի հայ գրավոր բանաստեղծությունը, տեսնում ենք, որ դրանք իրենց բնույթով ավելի համեմատելի են արևմտյան բանաստեղծության հետ: Իսկ XVI—XVII դարերի ժողովրդական, ապա և աշուղական բանաստեղծությունը ավելի համեմատելի է արևելքի բանաստեղծության հետ: Նման հարաբերություններ Բրյուսովը վերադրում է մերթ ողջ հայ քնարերգությանը, մերթ էլ ժողովրդական երգին միայն: Սակայն հատկապես նոր ժամանակներում՝ XVII—XVIII դարերում և այնուհետև, երբ բուն հայրենիքում ու գաղութներում (Եվրոպայում և Ռուսաստանում) ծայր էին առնում լուսավորական նոր շարժումներ ու քաղաքական, ազատագրական պայքար՝ եվրոպական գաղափարների՝ գիտության, գրականության և արվեստի ազդեցությունը հայ առաջադեմ մտավորական շերտերի վրա անհամեմատ ուժեղանում է: Այդպիսի ոչ ուղղակի, հեռավոր ազդեցության արդյունք են XVIII դարի գրաբար բանաստեղծության վերահիշյալ առանձնահատկությունները. այդպիսի ո՛չ հեռավոր, այլ անմիջական ազդեցության մի պերհախոս օպացույց է XVIII դարի հայ գրավոր բանաստեղծության տեսությունը: Խաչատուր Ներսիսյանը 1711 թ. Վենետիկում հրատարակում է «Յաղագս արուեստի», «Յաղագս բանաստեղծութեան», «Յաղագս ենթակայի բանաստեղծութեան», «Յաղագս սահմանի բանաստեղծութեան» գրականագիտական հոդվածները: Դրանցում կերպարանք են ստանում հայ գրավոր գրաբար բանաստեղծության տեսական սկզբունքները: